

**Ադափագարի խոսվածքի բարբառային յուրահատկությունների
ընդհանուր բնութագիրը**

Ադափագարի խոսվածքը գործածվել է Նիկոմեդիայի շրջանի Ադափագար քաղաքում: Ըստ «Հայ սփյուռք» հանրագիտարանի տվյալների՝ Ադափագարը Արևմտյան Հայաստանի հայաբնակ վայրերից էր և համարվում էր Նիկոմեդիայի շրջանի գյուղերից մեկը: Այն սկզբնապես փոքրիկ գյուղ է եղել: Բնակավայրը ցամաքած լճի տեղում հիմնադրել են XIV դարում Լենկթեմուրի արշավանքի ժամանակ Սեբաստիայից գաղթած հայերը՝ կոչելով Տոնիկաշեն (գյուղի առաջնորդի անունով): Հետագայում Ակնից, Թոխաթից, Պարսկաստանից, Կեսարիայից, Պարտիզակից հայեր են եկել: Թուրքերը Ադափագարում բնակություն են հաստատել, երբ այդ հայկական բնակավայրը շեն գյուղաքաղաք էր, այնուհետև շրջակա վայրերից եկել են հույներ: Կոստանդնուպոլսի գրավումից հետո թուրքերը երկրի վարչական բաժանումը որոշելիս գյուղաքաղաքն անվանել են Ադա (կղզի), իսկ որոշ ժամանակ շատ սխտոր արտադրելու համար՝ նաև Մամըրսագ Ադասը («սխտորի կղզի»): Ավելի ուշ, որպես բանուկ շուկա, անվանել են Ադափագար (Կղզեշուկա): 20-րդ դարի սկզբին Ադափագարն ունեցել է քսանհինգ հազար բնակիչ, որից կեսը հայեր էին, որոնք զբաղվել են արհեստներով, առևտրով, շերամապահությամբ, երկրագործությամբ¹:

Ադափագարի՝ 1915 թվ. Մեծ եղեռնից փրկված բնակիչները գաղթել և բնակություն են հաստատել աշխարհի տարբեր կողմերում, այդ թվում՝ նաև Արևելյան Հայաստանում: Նրանցից մեկի՝ Հեղինե Մինասի Տերմենջյանի օգնությամբ էլ Երևանում Հայերենի բարբառագիտական ատլասի (այսուհետ՝ ՀԲԱ) ծրագրով ՀՀԳԱԱ լեզվի ինստիտուտի ավագ գիտաշխատող Հասմիկ Խաչատրյանը լրացրել է Ադափագար բնակավայրի խոսվածքը: Հ. Տերմենջյանը ծնվել է Ադափագարում 1903 թվականին: Ըստ բարբառախոսի՝ 1915 թվ. թուրքերը նրանց աքսորել են Թուրքիայի խորքերում գտնվող մի գյուղ: Չորս տարուց հետո՝ 1919-ին, վերադարձել են Ադափագար: Այս անգամ կռիվ է սկսվել հույների և թուրքերի միջև, և հույները գրավել են Ադափագարը, հետո նահանջել: Ադափագարում բնակվող հայերը նրանց հետ փախել են Հունաստան և բնակվել հունական Սալոնիկ քաղաքում: 1947 թվ. ադաբագարցի այլ ընտանիքների հետ Հայաստան է վերադարձել նաև Հ. Տերմենջյանենց ընտանիքը: Ըստ բարբառախոսի՝ ադափագարցիները 1400-ական թվականներին գաղթել են Սեբաստիայից:

Բարբառագիտական գրականության մեջ մասնակիորեն է անդրադարձ կատարվել Ադափագարի խոսվածքին ² : Կը ճյուղի բարբառների ընդհանուր բնութագիրը տալիս Հ. Աճառյանը հիշատակել է Նիկոմեդիայի բարբառը՝ նշելով նաև Ադափագարը՝ որպես նրա քաղաքներից մեկը. «Նիկոմեդիայի բարբառ.-Այս հայաշատ շրջանը, որ Փոքր-Ասիայի հյուսիսարևմտյան ծայրում աննկուն պահել է հայ լեզուն,

¹ Տե՛ս «Հայ սփյուռք» հանրագիտարան, հ. 1, Ե., 2003, էջ 178:

² Տե՛ս Հ. Աճառյան, *Հայ բարբառագիտություն*, 1911, էջ 241, *Հայոց լեզվի պատմություն*, մաս 2, Երևան, 1950:

երկու գլխավոր քաղաք ունի՝ Նիկոմիդիա և Ատափագար: Սրանց շուրջը ցրված են բազմաթիվ մեծ-մեծ գյուղեր, որոնցից հիշատակելի են Յալովա, Ասլանբեկ, Պարտիզակ...: Այս գանազան տեղերից կան մանր-մունր նմուշներ, բայց մի ամբողջական ուսումնասիրություն չկա»³:

Խոսվածքին անդրադարձել է նաև Գ. Ջահուկյանը բազմահատկանիշ-վիճակագրական դասակարգում կատարելիս. բազմահատկանիշ-վիճակագրական դասակարգման ենթակա 120 հայախոս վայրերի մեջ ընդգրկված է նաև Ադափագարը: Եվ քանի որ Գ. Ջահուկյանը բարբառների բազմահատկանիշ-վիճակագրական դասակարգում կատարել է հարյուր հնչյունաքերականական տարբերակիչ հատկանիշների հիման վրա, որոնց առկայությունը աղյուսակներում նշանակվել է պլյուս (+), իսկ բացակայությունը՝ մինուս (-) նշաններով, ապա ինչպես 120 վայրերից յուրաքանչյուրը, Ադափագարը ևս բնութագրվում է պլյուսների և մինուսների որոշ քանակով, այսինքն՝ հնչյունաքերականական որոշակի հատկանիշների առկայությամբ կամ բացակայությամբ⁴:

Ինչպես երևաց վերոնշյալից, Ադափագարի խոսվածքի վերաբերյալ բարբառագիտական գրականության մեջ կան մասնակի դիտարկումներ միայն, մինչդեռ նրա ամբողջական բնութագիրը կարևոր է հայ բարբառագիտության համար: Սույն հոդվածում ներկայացվում է Ադափագարի խոսվածքի բարբառային յուրահատկությունների ընդհանուր բնութագիրը՝ ըստ ՀԲԱ-ի ծրագրով լրացված <<Ադափագարի խոսվածքը>> աշխատանքի:

Ադափագարի խոսվածքը, ըստ միահատկանիշ ձևաբանական դասակարգման, պատկանում է Կը ճյուղին, ըստ վիճակագրական-բազմահատկանիշ դասակարգման՝ Փոքր Ասիայի կամ արևմտյան բարբառախմբի Պուլսի միջբարբառին⁵:

Ադափագարի խոսվածքում գործառող ձայնավոր հնչյունները՝ *ա, ի, է, օ, ու, ը*, համապատասխանում են հինհայերենյան ձայնավորներին: *Մ* հնչյունը գործածվում է հին հայերենի *բ, գ, դ, ձ, ջ*-ից կամ դրանցից առաջացած խուլերից հետո (*բամբակ-պամպակ, բանջար-պանջար, բան-պան, գարուն-կարուն, դաս-տաս, դանակ-տանակ, ձախ-ձախ*), *մ*, *ն* ռնգայիններից առաջ (*աման-աման, գոքանչ-գօնքանչ, թանձր-թանձրր, մանգաղ-մանկաղ, մանել-մանել, քամել-քամել, նշան-նըշան* ևն), ինչպես նաև շչականների հարևանությամբ (*աշուն-աշուն, բաժին-պաժին, պաշար-պաշար, խաչակնքել-խաչագրնքել, արժել-արժել, խաչ-խաչ, կարճ-կարճ, չար-չար* ևն):

Ե և *ռ* տառերը խոսվածքում չեն գործառում. *ե*-ի դիմաց բոլոր դիրքերում գործածվում են *է*, մասամբ՝ *ի* հնչյունները, իսկ *ռ*-ի դիմաց՝ *օ*-ն: Միավանկ և երկվանկ բառերի սկզբում գործածվող *օ* ձայնավորը համապատասխանում է հին հայերենի *ռ* ձայնավոր հնչյունին (*որդ-օռթ, ով-օվ, ոչխար-օշխար, ոջիլ-օշլոտ, որդնել-օրթօտել, ոռնալ-օռնալ, ոսկի-օսկի* ևն): *Օ* է առկա նաև հինհայերենյան ձայնեղներին (*բ, գ, դ, ձ, ջ*) կամ դրանցից առաջացած խուլերին հաջորդող *ռ*-ի դիմաց, այսպես՝ *բողկ-պողկ, գործ-կործ, դող-տող, ձող-ձող* ևն: Բառամիջի շեշտակիր, ինչպես նաև նախաշեշտ դիրքում գտնվող *ռ*-ին նույնպես համապատասխանում է *օ* (*թոք-թօք, լող-լօղ, խոզ-խօզ, մոմ-մօմ, խմոր-խրմօր* ևն):

³ Զ. Աճառյան, *Հայոց լեզվի պատմություն*, էջ 352-353:

⁴ Տե՛ս Գ. Ջահուկյան, *Հայ բարբառագիտության ներածություն*, Երևան, 1972, էջ 52, 71, 83, 109:

⁵ Տե՛ս Գ. Ջահուկյան, *Հայ բարբառագիտության ներածություն*, Երևան, 1972, էջ 133:

Միավանկ և երկվանկ բառերի սկզբում հինհայերենյան *ե-ին* համապատասխանում է *է* (*եզն-էզ, եփ-էփ, էլանել-էլլէ, երկու-երգու, երես-երէս, երնալ-երէվալ, երկանք-երգանք* ևն): *է* ձայնավոր է գործածվում նաև բառամիջի շեշտակիր *ե-ի* դիմաց (*թեփ-թեփ, խելք-խելք, վեց-վեց, դեղ-տեղ, ցեց-ցեց, աներ-աներ, ավել-ավել, ավելցուկ-էվրլցուկ, փեսա-փեսա, շերեփ-շերեփ* ևն): *Ը-ից* առաջ գտնվող բառասկզբի *ե-ի* դիմաց առկա է *է* կամ *ի* ձայնավոր, այսպես՝ *երեկոյ-երգուն, երեց-երեց, երնալ-երէվալ, երկու-երգու, երինջ-երինջ* ևն, բայց՝ *երեք-իրէք, երիցակին-իրիսգին*:

Հինհայերենյան *ու-ն* Ադափագարի խոսվածքում մնացել է անփոփոխ ինչպես ձայնեղներից կամ դրանցից առաջացած խուլերից հետո (*բուրդ-պուրթ, բուք-պուք, գութան-կութան, տուն-տուն, դուռ-տուռ, ձուկ-ձուկ, ջուր-ձուր* և այլն), այնպես էլ շեշտակիր դիրքում (*թունդ-թունդ, թուր-թուր, ութ-ութ, սուգ-սուք, փուշ-փուշ, սուրբ-սուրփ, ուտել-ուտել, ուրիշ-ուրիշ* ևն): *Բ* ձայնավորը ևս գրաբարյան *ի-ի* համեմատությամբ փոփոխություններ չի կրել, այսպես՝ *կծիկ-գրծիկ, կին-գին, կնիկ-գրնիկ, միտք-միդ, սիրտ-սիրդ, խնամի-խրնամի* ևն:

Ադափագարի խոսվածքում հինհայերենյան երկբարբառները պարզեցվել են՝ վերածվելով ձայնավորների: Այսպես՝ հին հայերենի շեշտակիր *այ* երկբարբառի դիմաց առկա է *ա* ձայնավոր (*այդ-ադ, այն-ան, լայն-լան, ծայր-ծար, փայտ-փադ, մայր-մար* ևն): Նախաշեշտ դիրքում դրան համապատասխանում են *է* (*այրիկ-երիկ, այրել-երել*) և *ա* (*վայրի-վարի, քայլել-քալել, այսօր-ասօր*) ձայնավորները: Հին հայերենի բառասկզբի *աւ* երկբարբառի փոխարեն գործածվում է *օ* (*աւր-օր, աւձ-օց, աւծել-օծել, աւրէնք-օրէնք, աւրինակ-օրինակ* ևն): *Աւ* երկբարբառին *օխ* հնչունախումբ է համապատասխանում *էաւթն* և դրանով բաղադրված բառերում, այսպես՝ *օխտ, օխտանասուն*: Հինհայերենյան *ոյ* և *իւ* երկբարբառների փոխարեն խոսվածքում գործածվում է *ու* ձայնավոր (*բոյն-պուն, թոյլ-թուլ, կապոյտ-կապուտ, լոյս-լուս, ոյժ-ուժ* և *ալիւր-ալուր, աղբիւր-ախպուր, հարիւր-հարուր* ևն), *էա* երկբարբառի փոխարեն՝ *է* (*լէառն-լէռ, կորեակ-կօրէկ, ցորեան-ցօրէն, սեաւ-սէվ, գրեաց-գրրէց, սիրեաց-սիրէց* ևն):

Ադափագարի խոսվածքը հատկանշվում է բառասկզբի ձայնեղ պայթականների (*բ, գ, դ, ձ, ջ*) խլությունը (*պ, կ, տ, ծ, ճ*), այսպես՝ *բերել-պերէլ, բարեկամ-պարէզամ, բրինձ-պրրինձ, բերան-պերան, գրկել-կրրկէլ, դողալ-տողալ, դրացի-տրրացի, ձմերուկ-ժրմերուկ, ջուր-ձուր* ևն: Այս հնչյունները, սակայն, ըստ խոսվածքը գրանցողի, հստակ խուլեր չեն. տատանվում են ձայնեղի և խուլի միջև⁶:

Բառասկզբի խուլ պայթական և պայթաշփական բաղաձայնները (*պ, կ, տ, ծ, ճ*) ևս Ադափագարի խոսվածքում արտաբերական հատկություն չունեն. դրանք մերթ ձայնեղ (*բ, գ, դ, ձ, ջ*), մերթ խուլ (*պ, կ, տ, ծ, ճ*) հնչյուններ են արտաբերվում՝ պայմանավորված հնչյունական շրթայում նրանց նախորդող հնչյունի բնույթով (խուլից հետո՝ խուլ, ձայնավոր, ձայնեղ և ձայնորդ հնչյուններից հետո՝ ձայնեղ), այսպես՝ *Կա չրգա բան մը կա: Չօրս հատ կօջագ, էրգու գօջագ, հինգ դարվա, վէց դարէզան* ևն:

Ը-ից հետո գտնվող ձայնեղ պայթականներն ու կիսաշփականները, կորցնելով ձայնեղության հատկանիշը, վերածվել են շնչեղ խուլ *փ, թ, ք, ց, չ* հնչյունների, այսպես՝ *գարդարանք-գառթարանք, որբ-վօրփ, կարդալ-կառթալ, վարդ-վարթ, փորձանք-փօռձանք, որդնել-օրթրնէլ, էգ-էք, խաբել-խափէլ, ոջիլ-օջիլ, օձ-օց* ևն: *Ղ-ի* ին

⁶ Տե՛ս ՀԲԱՆ, Նիկոմեդիա, Ադափագար, 306:

հաջորդող դիրքում *բ, գ, դ, ձ, ջ* ձայնեղներին բնորոշ է խլացման հատկանիշը, այսպես՝ *աղբյուր-ախպուր, եղբայր-ախպար, խեղդել-խէխտել, ողջ-օխճ* ևն:

Բառամիջի միջձայնավորային և բառավերջի ետձայնավորային դիրքերում գտնվող խուլերը (*պ, կ, տ, ծ, ճ*), կորցնելով խլության հատկանիշը, վերածվում են ձայնեղների, օրինակ՝ *կապ-կար, կոպ-կօր, շալակ-շալագ, ազատել-ազադել, կատու-կադու, կարկուտ-կարգուդ, կոտոշ-կօդօշ* և այլն: Խուլ շփականներից հետո գտնվող դիրքում դրանք փոփոխության չեն ենթարկվում (*հասկանալ-հասկընալ, բախտավոր-պախտավոր, նստել-նըստել, ոսկի-օսկի, ոսկոր-օսկոր, վաստակել-վաստրկել* ևն): Անփոփոխ են մնում նաև բառամիջի և բառավերջի շնչեղ խուլերը (*եփել-էփել, խփել-խըփել, թուղթ-թուխթ, մութ-մութ, դժոխք-տըժօխք, շաբաթ-շապաթ* ևն):

Փոփոխություն չեն կրում նաև շփական *ջ, ճ, չ, ժ, շ* հնչյունները բառամիջի նախաձայնավորական դիրքում (*գիշեր-կիշեր, մշակ-մըշակ, շփել-շըփել, շատ-շատ, շինել-շինել* ևն), մինչդեռ բառամիջի նախաբաղաձայնական դիրքում առկա է կիսաշփականների՝ շփականության դրսևորում, այսպես՝ *ամաչկոտ-ամըշկօդ, աչք-աշկ, մեջք-մէշկ, միջնակ-միշնագ, ինչքան-իշքան, իջանել-իշնալ* և այլն:

Հ և խ հնչյունները գործառում են բառի բոլոր դիրքերում՝ չկրելով որակական որևէ փոփոխություն, այսպես՝ *հագ-հագ, համ-համ, հալել-հալել, հաց-հաց, հինգ-հինգ, հինել-հինել, հոս-հոս, դահիճ-տահիջ, ռեհան-որհան, խաղ-խաղալ, խրատ-խըրադ, ծախել-ձախել, ծուխ-ծուխ, նախիր-նախիր* ևն:

Աղափազարի խոսվածքում շեշտակիր է վերջին վանկը, այսպես՝ *մոռանալ-մօռնալ, սատակել-սադգէլ, փաթթաթել-փաթթէլ, ցամաքել-ցամքէլ* ևն: Բառաթեքման ժամանակ փակ վանկի շեշտազրկված *ի* ձայնավորը պահպանվում է, օրինակ՝ *ձիլ-ձիլին, սիրդ-սիրդին, քիթ-քիթին* ևն: Այն փոփոխության չի ենթարկվում նաև բառավերջի բաց վանկում, օրինակ՝ *գոտի-կօդիին, հայելի-հալլիին, խընամի-խընամիին, փոշի-փօշիին* ևն: Չեն փոփոխվում նաև փակ և բաց վանկերի շեշտազրկված *ու* (*թուր-թուրին, թուզ-թուզին, թուր-թուրին, ջուր-ջուրին, մուխ-մուխին, կադու-կադույին, թուրու-թուրույին, մեղու-մեղույին, փեսացու-փեսացույին* ևն), փակ վանկի շեշտազրկված *է* (*դէգ-դէգին, էշ-էշուն, ձէթ-ձէթին, սէգ-սէգին, սէր-սէրին, դէր-դէրօջ* ևն) և *ա* (*դանագ-դանագին, կաքավ-կաքավին, հավաղ-հավաղին, ջազաղ-ջազաղին, քաղաք-քաղաքին* ևն) ձայնավորները:

Աղափազարի խոսվածքին բնորոշ է շեշտանախորդ վանկերի ձայնավորների սղում եռավանկ բառերում, այսպես՝ *գողանալ-կօղնալ, թաթախել-թաթխել, լոզանալ-լօջնալ, զարկանել-զարնել, բուսանել-պուսնել* ևն: Ինչպես նախաշեշտ, այնպես էլ շեշտակիր դիրքերում *ա*-ն փոփոխության չի ենթարկվում, օրինակ՝ *ծամել-ձամել, ցանել-ցանել, քացախ-քացախ, աղ-աղ, աջ-աչ, թաս-թաս, նագ-նագ, չափ-չափ* ևն:

Խոսվածքում առկա են բաղաձայնների անկման մի շարք դեպքեր: Հինհալերենյան *ն* վերջնահնչյունով միավանկ բառերը գործառում են առանց վերջնահնչյուն *ն*-ի, այսպես՝ *ամառն-ամառ, ատամն-ատամ, թոռն-թօռ, ծունկն-ձունգ, մուրն-մուր, մուկն-մուգ* և այլն: *Ինն* (*ինը*) և *ինքն* (*ինքը*) բառերում *ն*-ի անկումը ուղեկցվել է գաղտնավանկի *ը*-ի պահպանմամբ: Խոսվածքին բնորոշ է նաև պայթականներից ու կիսաշփականներից առաջ որոշ բառերում *ն*-ի հավելման երևույթը, այսպես՝ *ամաչել-ամըշնալ, կոուց-կըտուց, ճանաչել-ձանշընալ, մեք-մէնք*:

Աղափազարի խոսվածքում գործառում են *-եր* (*եր*) և *-ներ* (*ներ*) հոգնակերտները, որոնց զուգորդելիությունը թվանիշ հիմքերին պայմանավորված է դրանց ձևախմաստային առանձնահատկություններով: *-եր* (*եր*) հոգնակերտ

վերջավորություն են ստանում միավանկ բառերը (*խոտ-խօդէր, խոզ-խօզէր, միս-միսէր, պառց-պառցէր, մագ-մագէր* և նն), կենդանիների՝ միավանկ հիմքով անունները (*արչ «արջ»-արչէր, ծի-ծիէր, էշ-էշէր* նն), գրաբարյան -ն վերջնահնչյունով միավանկ բառերը, ընդ որում՝ դրանց գերակշիռ մասը հատկանշվում է հոգնակերտից առաջ ն վերջնահնչյունի անկմամբ (*տուտ «դուռն»-տուտէր, ձունգ-ձունգէր, պէտ «բէռն»-պէտէր, կատ «գառն»-կատէր, մուգ-մուգէր, նուռ-նուռէր, հարս-հարսէր*), նաև այն երկվանկ բառերը, որոնց վերջին վանկը գաղտնավանկ է, այսպես՝ *ասի «աստղ»-ասիսէր, սանր-սանրէր, մանր- մանրէր*: -*Եր (էր)* հոգնակերտ են ստանում նաև միավանկ վերջնաբաղադրիչով այն բարդ բառերը, որոնց վերջնաբաղադրիչը պահպանում է իր իմաստային ինքնուրույնությունը, այսպես՝ *սապօնճուր «օճառաջուր»-սապօնճուրէր, մօրքուր «մորաքույր»-մօրաքուրէր, աղճուր «աղաջուր»-աղճուրէր* նն :

Բազմավանկ բառերի հոգնակիի կազմության մեջ Ադափազարի խոսվածքում առաձևացվում է -*ներ (նէր)* հոգնակերտ վերջավորությունը, այսպես՝ *անուն-անուններ, գօմէշ «գոմէշ»-գօմէշներ, իլիգ «իլիկ»-իլիգներ, խրնձօր «խնձօր»-խրնձօրներ, ձաղիգ «ձաղիկ»-ձաղիգներ* նն: Ձայնավորով վերջացող բազմավանկ բառերը ևս հոգնակին կազմում են -*ներ* թվանիշ վերջավորությամբ, օրինակ՝ *քէնի «քէնի»-քէնիներ, ճօրի «ջօրի»-ճօրիներ, գինի-գինիներ, սաղանա «սաղանա»-սաղանաներ, հարսունցու «հարսնացու»-հարսունցուներ, վրգա «վկա»-վրգաներ* նն:

Անվանական հոլովման համակարգում ձևային արտահայտությամբ տարբերակվում են ուղղական, սեռական-տրական, բացառական, գործիական հոլովաձևերը: Սեռական-տրական հոլովաձևերը, որոնք բնութագրվում են նաև հոդառությամբ, իրենց ձևային արտահայտությունը ստանում են հոլովական վերջավորություններով կամ հնչյունական հերթագայություններով:

Ընդհանրական արժեք ունեցող ամենատարածված հոլովանիշ թեքույթը եզակի թվի հարացույցում *ի* վերջավորությունն է: Այս հոլովական վերջավորությամբ են սեռական-տրական հոլովաձևը կազմում գրաբարյան ն վերջնահնչյունով բառերը (*կատ «գառն»-կատի(ն), տուտ «դուռն»-տուտի(ն), ձունգ «ձունկն»-ձունգի(ն), ծուգ «ձունկն»-ծուգի(ն), մուգ-մուգի(ն), մաղ-մաղի(ն), նուռ «նուռն»-նուռի(ն)* և այլն), նախկինում *ք* հոգնակերտ ունեցող բառերը (*խէլք-խէլքի(ն), միտք-միտքի(ն), հարսանիք-հարսանիքի(ն)* նն), կենդանիների և թռչունների անունները (*կաքավ-կաքավի(ն), կատու-կատուի(ն), հավ-հավի(ն), աղվես-աղվեսի(ն)* նն), անձնանունները (*Նշան-Նըշանի(ն), Անուշ-Անուշի(ն), Սաթիկ-Սաթիկի(ն)* նն) և տեղանունները (*Պարտիզակ-Պարտիզակի, Ադափազար-Ադափազարի, Արմաշ-Արմաշի* նն): *Ի* հոլովանիշ թեքույթը ընդգրկում է նաև փոխանվանաբար գործածվող խոսքի մասերը (*մէնձը «մէձը»-մէնձին, աղվօրը «գեղեցիկը»-աղվօրին, սէվը-սէվին, էփօղը-էփօղին, բըզդիգը «փոքրիկը»-բըզդիգին* նն): Ազգակցական հարաբերություն ցույց տվող բառերի գերակշիռ մասը և դրանցով բաղադրված բարդությունները սեռական հոլովաձևերը կազմում են հոլովանիշ հիմքի և -*ոջ* թեքույթի համադրությամբ, օրինակ՝ *քուր «քույր»-քըրօջ, տէր-տէրօջ, դաքըր «տեգը»-դաքըրօջ, կէտուր «սկէտուր»-կէտրօջ, դալ «տալ»-դալօջ, ընգէր-ընգէրօջ* նն: Ժամանականիշ բառերի սեռական հոլովաձևերը կազմվում են -*վան* հոլովական վերջավորությամբ, այսպես՝ *ամառ-ամառվան, առողուն «առավոտ»-առողվան, կիշէր «գիշէր»-կիշէրվան, իրիկուն «երեկո»-իրկըվան, շապատ «շաբաթ»-շապատվան, ցէրէկ «ցերեկ»-ցէրէկվան, օր-օրվան* նն:

Գոյականների հոգնակի թվաձևերի սեռական հոլովաձևերը կազմվում են *ու* հոլովական վերջավորությամբ, այսպես՝ *շունէր «շներ»-շունէրու/ն/, ճուրէր «ջրեր»-ճուրէրու/ն/, կօվէր-կօվէրու, տունէր «տներ»-տունէրուն, քաղաքնէր-քաղաքնէրուն* ևն:

Աղափազարի խոսվածքին բնորոշ է իրի և անձի առումների տարբերակումը. ուղիղ խնդիրը իրանիշ գոյականների դեպքում դրվում է ուղղականաձև (հաց ուղէլ, դուն շինէլ ևն), իսկ անձնանիշների դեպքում՝ տրականաձև հայցականով (*հօրը սիրէլ, դրզին ձէձէլ* ևն): Բացառական հոլովը ձևավորվում է *-էն* վերջավորությամբ, որն ավելանում է հոլովանիշ հիմքին, այսպես՝ *աղվէսէն «աղվեսից»-աղվէսնէրէն, թօռէն «թռոցից»-թօռէրէն, հացէն-հացէրէն, լէրէն «լեռից»-լէրնէրէն, խօղէն-խօղէրէն* ևն: Գործիական հոլովի իմաստը արտահայտվում է *-ով* հոլովանիշ թեքույթով բաղադրված կազմություններով, այսպես՝ *կէղօվ «գյուղով»-կէղէրօվ, աշկօվ «աչքով»-աշկէրօվ, ամիսօվ «ամսով»-ամիսնէրօվ, քարօվ-քարէրօվ, ձէռքօվ-ձէռքէրօվ* ևն: Ըստ Գ. Ջահուկյանի՝ ազգակցանիշ բառերի բացառական և գործիական հոլովաձևերում առկա է *մ* հնչյունը, այսպես՝ *եղբօրմէ, եղբօրմօվ: Ոջ, վա, ան* արտաքին հոլովումների և ներքին թեքման գոյականների բացառական և գործիական հոլովները կազմվում են ուղղականի հիմքից, այսպես՝ *գրնիգ «կնիկ»-գրնիգէն-գրնիգօվ, մար «մայր»-մարէն-մարօվ, մուգ «մուկ»-մուգէն-մուգօվ, դուն «տուն»-դունէն-դունօվ, թօռ «թռոց»-թօռէն-թօռօվ* ևն: Ներգոյական հոլովի իմաստը Աղափազարի խոսվածքում դրսևորվում է վերլուծական կազմությամբ, որը բաղադրվում է *մէչ* հետադրությամբ և սեռական հոլովաձևերով (*խօղին մէչը, ճուրին մէչը, տաշտին մէչը, աշխարին մէչը, փօրին մէչը* ևն):

Ածականի գերադրական աստիճանը կազմվում է *ամէն* բառի հոլովված ձևով, այսպես՝ *ամէնէն կէշ «տգեղ», ամէնէն պարս «բարձրը», ամէնէն բրզդիգ, ամէնէն աղէգ «լավ»* ևն: Թվականի բաշխականության իմաստը դրսևորվում է քանակական թվականի կրկնությամբ՝ *էրգու-էրգու, իրէք-իրէք, վէց-վէց, օխտը-օխտը* ևն: Դասական թվականները կազմվում են *-օրդ, -րօրդ, -էրօրդ* ածանցներով՝ *վէցէրօրդ, չօրօրդ, հինգ-էրօրդ, յէրգրօրդ* ևն: *Յոթանասուն* (յօթանասուն), *ութսուն* (ուծուն), *իննսուն* (ինիսուն) թվականների դիմաց փոխառյալ թվականներ չեն գործածվում:

Ես, դու, մենք, դուք անձնական դերանունների տրական հոլովը կազմվում է գրաբարյան հոլովաձևերի (ինձ, մեզ, քեզ, ձեզ) հնչյունական տարբերակների և *ի* վերջավորության բաղադրությամբ, այսպես՝ *ինձի, քէզի, մէզի, ձէզի*⁸: Հայցական հոլովը տրականաձև է (*գրսիրէ ընձի, քէզի, մէզի, ձէզի*): Անձնական դերանունների բացառական հոլովաձևը կազմվում է տրականի հիմքից *-մէ* հոլովանիշ թեքույթի բաղադրմամբ, այսպես՝ *ինձմէ, քէզմէ, մէզմէ, ձէզմէ, իրենմէ, իրենցմէ*, իսկ գործիականը տրականի հիմքի և *-մօվ* վերջավորության զուգադրությամբ, այսպես՝ *ինձմօվ, քէզմօվ, մէզմօվ, ձէզմօվ, իրմօվ, իրենցմօվ*⁹: Եզակի 3-րդ դեմքը (նա) արտահայտվում է *ան* (Ան կրնաց «Նա գնաց»), իսկ հոգնակի 3-րդ դեմքը՝ *անօնք* (Անօնք կացին «Նրանք գնացին») ձևերով: Անձնական դերանվան եզակի 3-րդ դեմքի սեռական հոլովը կազմվում է *անօր* ձևով (*անօր դունը «նրա տունը», անօր անունը «նրա անունը»*): *Ինքը* դերանվան եզակի հայցականը ուղղականաձև է՝ *ինքը (Ինքըր զինքըր գրսիրէ «Նա իրեն է սիրում»), իսկ հոգնակին՝ տրականաձև՝ իրէնց (Անօնք իրէնց գրսիրին «Նրանք իրենց են սիրում»*):

⁷ Տե՛ս Գ. Ջահուկյան, Հայ բարբառագիտության ներածություն, Ե., 1972, էջ 83:

⁸ Տե՛ս նույն տեղը:

⁹ Տե՛ս նույն տեղը:

Այս, այդ, այն, ցուցական դերանուններին խոսվածքում համապատասխանում են *աս, ադ, ան* հնչյունափոխական տարբերակները (*աս դունը* «*այս տունը*», *ադ ձառը* «*այդ ծառը*», *ան մարթը* «*այն մարդը*»), որից ենթադրվում է, որ խոսվածքում պահպանված է ցուցական դերանունների եռանդամությունը՝ Վերջիններս արտահայտում են նաև *սա, դա, նա* ցուցական դերանունների իմաստը, օրինակ՝ *Աս ձառ է* «Սա ծառ է»: *Ադ Հակօփն է* «Դա Հակոբն է»: Վերոնշյալ դերանունների սեռական-տրական հոլովածները կազմվում են *այսը, այդը, այնը* տիպի հիմքով, այսպես՝ *ասօր, ադօր, անօր* դունը, *ասօր, ադօր, անօր* մօտեցավ: Սրանց եզակի թվի բացառական և գործիական հոլովածները կազմվում են հինհայերենյան ուղղականի հիմքից (*ասկէ-ասօվ, ատգէ-ատօվ, անկէ-անօվ*), իսկ հոգնակի թվի ձևերը՝ հինհայերենյան սեռականի (*ասօնցմէ, ադօնցմէ, անօնցմէ, ասօնցմօվ, ադօնցմօվ, անօնցմօվ*): Հոգնակի թվի ուղղական հոլովի ձևերն են՝ *ասօնք, ադօնք, անօնք*:

Աղափազարի խոսվածքում անորոշ դերբայը հատկանշվում է 2 լծորդությամբ (գրաբարյան 4 լծորդություններից (ա, ի, է, ու) պահպանվել են 2-ը)՝ *ա, է*, օրինակ՝ *էրթալ, բօռալ, վըլալ, նըստէլ, դէսնալ, առնէլ, խըմէլ, մէռնէլ* ևն: Վաղակատար դերբային բնորոշ է *-էր* վերջավորությունը՝ *մընացէր իմ, գարմացէր իմ* ևն, հարակատարին՝ *-սձ*, այսպես՝ *էփսձ, նըշանվսձ, գարմացսձ* ևն: Գ. Ջահուկյանը նշում է նաև *ուկ*-ով հարակատար¹⁰: *Ա* խոնարհման բայերի ենթակայական դերբայը կազմվում է անցյալի հիմքով, օրինակ՝ *աղցօղ, կօղցօղ, գարմացօղ, մօտէցօղ, հասկըցօղ, վախցօղ, ուրախացօղ* ևն: Գալ, տալ, լալ բայերի ենթակայական դերբայը արտահայտվում է *էկօղ, լացօղ, դըվօղ* ձևերով: Ժխտական դերբայը իմաստը արտահայտվում է անորոշի հիմքի և *-էր, -ար, -իր* վերջավորությունների գուգորդությամբ բաղադրված ձևերով (*ջիմ*) *ըսէր, (ջիմ) մընար, (ջիմ) խօսիր*:

Օժանդակ բայի եզակի 3-րդ դեմքը արտահայտվում է *է*-ով, օրինակ՝ *Ան աղէգ մարթ է* «Նա լավ մարդ է»: *Դըղան հիվանտ է* «Երեխան հիվանդ է»: Օժանդակ բայի անցյալ ժամանակը դրսևորվում է պարզ ձևերով, այսպես՝ *էս էի, տուն էիր, ան էր, մէնք էինք, դուք էիք, անօնք էին*:

Աղափազարի խոսվածքում, ինչպես արևմտյան խմբակցության բարբառների մի մասում, եղանակային իմաստները արտահայտության պլանում դրսևորվում են 4 կառուցատիպերով, որոնց բովանդակության պլանում համապատասխանում է եղանակային 5 իմաստ՝ սահմանական-ենթադրական, հարկադրական, ըղձական և հրամայական: Սահմանական եղանակի ներկա և անցյալ անկատար ժամանակաձևերի իմաստներն արտահայտելու համար գործածվում են հինհայերենյան ներկայի և անցյալի կազմությունների և *կու* (կը/զը/զ) եղանականիշի գուգորդությամբ կառույցները, այսպես՝ *կըկըրէմ «գրում եմ», կըկըրէս, կըկըրէ, կըկըրէնք, կըկըրէք, կըկըրէն, գուղիմ «ուտում եմ», գուղէս, գուղէ, գուղինք, գուղիք, գուղին*:

Աղափազարի խոսվածքում տարբերակվում են ընդհանրական և շարունակական ներկաները: Շարունակականի իմաստը դրսևորվում է հինհայերենյան ներկայի ձևերի և *հայ* ժամանականիշ բառ-մասնիկի գուգորդությամբ, այսպես՝ *ուտիմ հայ, ուտէս հայ, ուտէ հայ, ուտէնք հայ, ուտէք հայ, ուտէն հայ, գառթամ հայ, գառթաս հայ, գառթա հայ, գառթանք հայ, գառթաք հայ, գառթան հայ*:

Սահմանական եղանակի ապառնի ժամանակի իմաստը դրսևորվում է *պիտի* (տը/տ) եղանականիշի և բայի դիմավոր ձևերի հարադրությամբ՝ *տուտիմ, տուտէս,*

¹⁰ Տե՛ս Գ. Ջահուկյան, Հայ բարբառագիտության ներածություն, էջ 109:

տուտէ, տուտինք, տուտէք, տուտին կամ տըմընամ, տըմընաս, տըմընա, տըմընանք, տըմընաք, տըմընան: Վերջիններս բազմիմաստ են. արտահայտում են նաև հարկադրական եղանակի ժամանակաձևերի իմաստը:

Անցյալ կատարյալը կազմվում է պարզ ձևերով՝ *խըմէցի, խըմէցիր, խըմէց, խըմէցինք, խըմէցիք, խըմէցին, հասա, հասար, հասավ, հասանք, հասաք, հասան:* Ե խոնարհման պարզ բայերի անցյալ կատարյալի իմաստը դրսևորվում է անցյալի ցոյական հիմքով և ներգործաձև վերջավորություններով բաղադրված կազմություններով, այսպես՝ *սիրէցի, սիրէցիր, սիրէց, սիրէցինք (անք), սիրէցիք, սիրէցին:* Գ. Ջահուկյանը առաջին /ել/ և 3-րդ լծորդության /ալ/ անաժանց բայերի կատարյալի հոգնակի 1-ին դեմքում նշում է *ա* ձայնավորով վերջավորություն՝ գրեցանք և այլն¹¹: Վաղակատար ժամանակի իմաստը արտահայտվում է վաղակատար դերբայի և օժանդակ բայի խոնարհված ձևերի հարադրությամբ՝ *կըրէր էմ, կըրէր էս, կըրէր է, կըրէր էնք, կըրէր էք, կըրէր էն:* Հարակատար ժամանակի իմաստը ինչպես կրավորական, այնպես էլ ներգործական և չեզոք սեռի բայերի դեպքում դրսևորվում է *-ած* վերջամասնիկն ունեցող հարակատար դերբայով՝ *խափված էմ, խափված էս, խափված է... , կըրած էմ, կըրած էս, կըրած է...:* Ըստ Հ. Խաչատրյանի՝ վաղակատար ժամանակի նշանակությամբ հաճախադեպ է հարակատար դերբայով բաղադրված կառույցների գործածությունը¹²:

Խոսվածքում ըղձականի իմաստով գործածվում են գրաբարյան ներկա և անցյալ անկատար բայաձևերը, որոնք, կրելով միայն հնչունական փոփոխություններ, ձևային տարբերակվածությամբ չեն հատկանշվում, այսպես՝ *կըրէի, կըրէիր, կըրէր, կըրէինք, կըրէիք, կըրէին, մընայի, մընայիր, մընար, մընայանք, մընայիք, մընային:* Ենթադրական եղանակի իմաստը դրսևորվում է ըղձական եղանակի բայաձևերի և *կը* (կ) եղանականիշի համադրությամբ բաղադրված կառույցներով, այսպես՝ *կըկըրէմ, կըկըրէս, կըկըրէ, կըկըրէնք, կըկըրէք, կըկըրէն, կըսէի, կըսէիր, կըսէր, կըսէինք, կըսէիք, կըսէին,* հարկադրականը՝ *պիտի (տըր/տ)* եղանականիշ մասնիկներով գուգորդված կազմություններով:

Հրամայական եղանակի եզակի թվի ձևերը կազմվում են *է, ա, իր* վերջավորություններով: *Է* վերջավորություն են ստանում *է* խոնարհման պարզ բայերը, այսպես՝ *աբրէ, ձամէ, գըրէ, գաբէ, պաղմէ, սիրէ, նըսդէ, փօխէ, քամէ* ևն, *-ա* վերջավորություն՝ *ա* խոնարհման պարզ բայերի հրամայական եղանակի ձևերը, որը համադրվում է ներկայի հիմքին, օրինակ՝ *մընա՛, խընդա՛, կարթա՛, հավաղա՛* ևն: *Աղալ* և *խաղալ* բայերի հրամայականը կազմվում է անցյալի ցոյական հիմքի և *-իր* վերջավորության բաղադրությամբ՝ *ախցի՛ր, խախցի՛ր:* *Ե* և *ա* խոնարհման աժանցավոր բայերը հրամայական եղանակի ժամանակաձևերը կազմում են *-իր* վերջավորությամբ, այսպես՝ *անցի՛ր, էլի՛ր, իճի՛ր, իմացի՛ր, հասկըցի՛ր* ևն: Հրամայականի հոգնակի թվի ձևերին հատուկ է *-էք* վերջավորությունը, որը համադրվում է անցյալի ցոյական հիմքին, այսպես՝ *խըմէցէ՛ք, մաղէցէ՛ք, բաղմէցէ՛ք և պարսըցէ՛ք, իմացէ՛ք, վըլացէ՛ք, հասկըցէ՛ք, մօղէցէ՛ք, մօցէ՛ք* ևն:

Վերոնշյալից հետևում է, որ Աղափազարի խոսվածքում իմաստային տարբերակվածություն են դրսևորում *կու* (*գը/զ*) և *պիտի* (*տըր/տ*) եղանականիշ մասնիկներով կազմությունները: *Կու* եղանականիշով բաղադրված կառույցները արտահայտում են ենթադրական ապառնիի և անցյալի ապառնիի, սահմանական

¹¹ Տե՛ս նույն տեղը:

¹² Տե՛ս ՀԲԱՆ, Աղափազար, 306:

ներկայի և անցյալ անկատարի իմաստներ, իսկ *պիտի*-ով կազմությունները՝ սահմանական և հարկադրական ապառնիի և անցյալի ապառնիի:

Ժխտական խոնարհման կառույցները Աղաբազարի խոսվածքում հատկանշվում են նախամասնիկավորմամբ: Խոսվածքում գործառող ժխտական նախամասնիկներն են *չ-ն* և *մի-ն*: Եղանականիշ նախամասնիկ չունեցող ժամանակաձևերի (դերբայակազմ ժամանակաձևեր, անցյալ կատարյալ, ըղձական (անցյալ-ապառնի) ժխտական կազմությունները բաղադրվում են *չ* ժխտական մասնիկով, որը համադրվում է հաստատական խոնարհման ձևերին, այսպես՝ անց. կատ.՝ *չըզըրէցի, չըզըրէցիր, չըզըրէց, չըզըրէցինք, չըզըրէցիք, չըզըրէցին, ըղձ. ապառնի՝ չըխըմիւ, չըխըմես, չըխըմէ, չըխըմինք, չըխըմէք, չըխըմին: Գը* (գ) եղանականիշ մասնիկ ունեցող ժամանակաձևերի ժխտականը կազմվում է ժխտական դերբայի (կամ նրա փոփոխականների) և օժանդակ բայի ժխտական ձևերի հարադրությամբ, այսպես՝ *չէմ սիրէր, չէս սիրէր, չըսիրէր, չէնք սիրէր, չէք սիրէր, չէն սիրէր: Պիտի* եղանականիշով բաղադրված կազմությունների ժխտական խոնարհման ձևերում *չ* մասնիկը *չի* ձևով դրվում է եղանականիշին նախադաս, այսպես՝ *չի տըխըմիւ «չպիտի խմես», չի տըխըմես, չի տըխըմէ, չի տըխըմինք, չի տըխըմէք, չի տըխըմին:* Արգելական հրամայականի իմաստը արտահայտվում է *մի* արգելական մասնիկի նախադաս կիրառությամբ, այսպես՝ *մի խաղա՛ր, մի մընա՛ր, մի էրթա՛ր, մի գարթա՛ր, մի խօսի՛ր* ևն:

Աղաբազարի խոսվածքում որոշյալությունը դրսևորվում է *ը* և *ն* որոշիչ հոդերով, այսպես՝ *Չառը ծախկէցալ «Ծառը ծաղկեց»:* *Լէզուն էրզան է «Լէզուն երկար է»:* *Ն* որոշիչ հոդը գործառում է ձայնավորահանգ բառերի դեպքում: Խոսվածքը հատկանշվում է *մը/մըն* անորոշ հոդի հետադաս գործածությամբ, այսպես՝ *Էրիգ, գընիգ մըն էն ըղէր «Մի մարդ ու մի կին են եղել»:* *Օր մը մարթըր գըհրէվատնա «Մի օր այս մարդը հիվանդանում է»:*

Հատկացուցիչի և հատկացյալի համաձայնությունը արտահայտվում է համանիշ կառույցների գործածությամբ՝ որոշյալ հատկացյալի հետ որոշյալ հատկացուցիչ (*ձառին յափրախը «տերն», գէղին ջուրը արդին խօղը, ձիին բօջը*) և որոշյալ հատկացյալի հետ անորոշ հատկացուցիչ (*ձառի յափրախը, գէղի ջուրը, արդի խօղը, ձիի բօջը*): Ենթակայի և ուղիղ խնդրի շարահասությունը ազատ է: Ուղիղ խնդիրը կարող է դրվել ստորոցյալին նախադաս (Գաղուն մուգ բըռնեց) կամ հետադաս (Գաղուն բըռնեց մուգ): Անձի անունների դեպքում ուղիղ խնդիրը դրվում է տրական հոլովով (*Քիրքօրը հազը գընէ Արշակին «Գրիգորը սիրում է Արշակին»:* *Քիրքօրը Արշակին հազը գընէ «Գրիգորը Արշակին է սիրում»,* իսկ իրի անունների դեպքում՝ ուղղականով (*Մինասը քար գըտաշէ, խօղ կըպէրէ «Մինասը քար է տաշում, հող է բերում»:* *Չամուռ դու՛ր վարպէտին «Յէխ տու՛ր վարպէտին»):* Ուղղականաձև հայցականով է դրվում անորոշ դերբայով արտահայտված նպատակի պարագան, այսպես՝ *Մոշ քաղէլ կացին «Գնացին՝ մոշ քաղելու», Ախճիգ ուզէլ էզան «Եկան՝ աղջիկ ուզելու»:* Տեղի պարագայի իմաստը դրսևորվում է վերլուծական (*մէչ կապ+սեռական հոլովաձև՝ Ամանին մէչ ճուր կար «Ամանի մեջ ջուր կա»:* *Տաշտին մէչ հաց չըկա «Տաշտում հաց չկա»*) և համադրական (հայցական հոլովաձև՝ *Այքին կըպանին «Այգում աշխատում են», Կէղը կապրի «Գյուղում կապրի»*) կառույցներով:

ՀԲԱ-ի ծրագրով տրված հասկացական-բառանվանողական զուգաբանություններին Աղաբազարի խոսվածքում համապատասխանում են հնչյունական տարբերակներ և բառային տարբեր արտահայտություն ունեցող ձևեր:

Մտորև ներկայացվում են հասկացական-բառանվանողական այն զուգաբանությունները, որոնք Աղափազարի խոսվածքում բառային այլ արտահայտություն ունի: Դրանք են՝ գազաթ-դափա, քամի-հով, ծիածան-գամար, ցող-չիգ, կաթիլ-բուղ, սառույց-բուզ, ստվեր-շուք, կողմ-թարաֆ, ծայր-ճոթ, անկյուն-բուջախ, առաստաղ-թավան, երդիկ-բաջա, զուգարան-պետքարան, ջրհորդան-օլուխ, ածուխ-քեմիր, եկեղեցի-ժամ, ցեխ-չամուռ, աթար-թեզեք, կայծ-մօծիր, արմատ-քօք, տերև-յափրախ, կեղև-ղաբուխ, կորիզ-գուղ, սերմ-թօխում, եգիպտացորեն-միսիր, լոբի-ֆասուլյա, դեղձ-շաֆտալու, կաղին-ֆունդուխ, նուշ-պատեմ, ցոգուլ-դայխիսի, սածիլ-ֆիդե, գազար-քաշիր, դանդուռ-փրփրեմ, ուրց-քեբաբօթի, փիփերթ-բաղըրջուզ, ծղոտ-կուլաշ, կողով-սափաթ, փոցխ-տըրմըխ, հեսան-մասատ, թթխմոր-մայա, փլավքամիչ-սուզգաշ, կարաս-բողուզ, կճուճ-քուփ, խցան-մանթար, ձագար-հունի, պարան-չուվան, առասան, ակնոց-գօզլիգ, համրիչ-թըզբեխ, ձեռնոց-ալդիգ, քղանցք-փեշ, տրեխ-չարուխ, տրեխի քուղ-սըռըմ, բարուր-դունդախ, օժիտ-ճրհեգ, նոր տարի-գաղանդ, ծննդկան-դըղասկան, սկեսրայր-պարընդատ, անորորդի-դայինչի, ամուսին-երիգ, տագերկին-ներ, արու գավակ-մանչ, հարևան-տըրացի, որսորդ-ավջի, հովիվ-չօբան, անասուն-հայվան, կրիա-թօսպաշի, չղջիկ-կիշերհավուզ, մողես-դարդաշիլ, սարդ-մամուզ, անձրևորդ-սօղըլճան, խխունջ-քառթօշ, հնդկահավ-կուլու, բու-դուլուդուլու, կաչաղակ-թավակօթիկ, աքաղաղ-խօրօզ, վառեկ-փիլիչ, թուխս-գուռթ, խայթոց-կիծ, ատամ/ն/-արդա, բուռ-ավուշ, բռունցք-յումրուխ, ազդր-պուղ, պարանոց-ճիտ, կոկորդ-բօղազ, մեջք-գըռնագ, եղջյուր-կօսօշ, թևատակ-անութ, շրթունք-պըռգունք, արտևանունք-թարթիչ, վերք-յարա, գորտնուկ-կօծիծ, թույն-զեհիր, խաչ-փաչա, աղանձ-ղավուրդա, հուլ-տօպաճ, ճոճանակ-սալընջախ, քարկտիկ-վեգ, սրինգ-ցավալ, ժամանակ-ատեն, գեղեցիկ-աղվօր, լավ-աղեգ, նիհար-գայիֆ, թանկ-սուղ, կաղ-թօփալ, համր-դիլսըզ, պեպնոտ-ցանօղ, գանգուր-կըռճիկ, քաղցած-անօթի, փափուկ-կակուղ, ժլատ-կըծծի, մերկ-չըլպախ, կիսրար-օրթախ, քանդել-քակել, մոցնել-խօթել, պլոկել-կեղպըլել, մեխել-կամել, հավաքել-ժողվել, սառչել-պաղել, ավարտել-լըմցընել, փափկել-կակուղնալ, սպիտակել-ճերմագել, ամուսնանալ-կարքըվել, նվագել-չալել, համբուրել-պաքնել, զբոսնել-պըտըտել, իգուր-պարապ, կարծես-կըտեսքի, ներքև-վար, այնուհետև-յետքը, միասին-պարապար, մոտ-քօվ:

Ներքոբերյալ բառերը Աղափազարի խոսվածքում ունեն ձևային հետևյալ արտահայտությունը.

աղտ-աղտ	աղտոտ-աղտոդ
այգօղք-այգօծ	այս-աս
այդ-ատ	աղանի-կեվարջին
այն-ան	անանուխ-աննուխ
անուն-անուն	առաւօտ-առդու
առնել-ընել	արտասուք-առցունք
բռնել-պըռնել	գիշեր-կիշեր
գրտնակ-ըխլավօր	դգալ-տըկալ
եկեղեցի-ժամ	լնուլ-լեցնել
խստոր-սըխտօր	կաթն-կաթ
կորիզ-գուղ	կրեայ-թօսպաղի
հիմա-հիմա	հօրաքոյր-հօրքուր
հօրեղբայր-հօրյէխպար	ճանապարհ-ճանփա
մասուր-մասուր	մրջին-մըրջուն

մօրաքոյր-մօրքույր	յորանջել-երեհտըկալ
նապաստակ-նապաստագ	ներքս-ներս
նաւթ-կազ	նման-լրման
նմանել-լրմանել	շոր-լաթ
շուրջ(ս)-բըլօր(ս)	ոզնի-օզնի
ուղարկել-ղըրգել	ուղեղ-ըղեղ
ուղղորդ-օղորթ	պարապ-պարապ
ջրյորդան-օլուխ	սա-ասիգա
դա-ադիգա	նա-անիգա
սալոր-սալօր	սեամ-շեմ
վիշապ-ուշաբ	տալ-դալ
տեսանել-դէսնել	փոխինդ-փօշի
քսան-քըսան	օրհնել-օրշնել
օրհնանք-օրշնէնք	

Ստորև տրվում է Հ. Թումանյանի «Մուտասանը» հեքիաթը Ադափազարի խոսվածքով:

Մըդախօսը

Կա ու չիկա թաքավոր մը կը կենա: Աս թաքավորը իր յերգըրին մէջ ամենուն կըտարաձայնէ. «Օվ ան տէսագ նըշանավոր սուղ մը ըսեհէ, քի էս ըսիմ սուղ է, թաքավորութանըս կէսը անօր տի տամ»:

Չօքան մը կու քա: Կըսէ.

-Թաքավորն աբրաձ կենա, հարըս էրգան փաղ մը ուներ, աղօվ յերգընքի ասղէրը կըխառնէր:

-Կըպատահի,-կըպատասխանէ թաքավորը,- մենձ հարըս չըբուխ մը ուներ, մէկ ծարը պէրանին կըտըրներ, մյուս ծարն ալ արեքակէն կըվառէր:

Մըդախօսը կըլօխը քէրէլօվ տուրս կէլլէ: Կուկա թառզի մը: Կըսէ.

-Նէրօղութին, թաքավօ՛ր, էս շուտ տի քայի (պիտի գայի), ուշացա: Էրէգ շաղ արգէվ էգավ, կայձագները չախմիշ ըղան, յերգինքը պաղոռէցավ, քացէր էի կարկըսէլ:

-Հա, աղէգ էս ըրէր,-կըսէ թաքավորը,-համա աղէգ չէիր կարգըղաձ, աս առղու քիշ մը արգէվ էգավ:

Թաքավորը չըհավաղաց, աս ալ տուս էլավ:

Նէրս կըմը(տ)նէ ախկաստ կէղացի մը՝ շինիք մը անութին տագը:

-Տու ի՞նչ կուգէս, այ մառթ,-կըհարցընէ թաքավորը:

-Ինձի շինիք մը օսկի պատոք էս, էկա տանէմ:

-Շինիք մը օսկի՞,-կըզարմաննա թաքավորը:-Սուլթ կըսէս, էս քէզի օսկի պատոք

չէմ:

-Քի սուտ կըսիմ, թաքավորութանըտ կէսը ինձի տու՛ր:

-Չէ՛, չէ՛, իրավ կըսիս,-խօսքը կըփօխէ թաքավորը:

-Էհէր շիղաք գըսիմ նէ, շինիք մը օսկին դու՛ր:

